

北史

五







周本紀上第九

北史九

周太祖文皇帝，姓宇文氏，諱泰，字黑獺，代郡武川人也。其先出自炎帝，炎帝爲黃帝所滅，子孫遁居朔野。其後有葛烏兔者，雄武多筭略，鮮卑奉以爲主，遂摠十二部落，世爲大人。及其裔孫曰普回，因狩得玉璽三紐，文曰皇帝璽。普回以爲天授，已獨異之。其俗謂天子曰宇文，故國號宇文。并以爲氏。普回子莫那，自陰山南徙，始居遼西，是曰獻侯。爲魏舅甥之國。自莫那九世至侯歸豆，爲慕容皝所滅。其子陵仕燕，拜駙馬都尉，封玄菟公。及慕容寶敗歸魏，拜都牧，主賜爵安定侯。天興初，魏遷豪傑於代都，陵隨例徙居

周本紀上

九

武川，卽爲其郡縣人焉。陵生系，系生韜，韜生皇考肱，並以武略稱肱，任俠有氣，幹正光末，沃野鎮人破六韓拔陵，作亂，其僞署王衛可環最盛，肱乃糾合鄉里，斬環，其衆乃散。後陷鮮于，修禮爲定州軍，所破戰沒於陣。武成初，追謚曰德皇帝。帝德皇帝之少子也。母曰王氏，初乃子五月夜夢抱子升天，纔不至而止，寤以告德皇帝，德皇帝喜曰：雖不至，天貴亦極矣。帝生而有黑氣如蓋，下覆其身，及長，身長八尺，方額廣額，美鬚髯，髮長委地，垂手過膝，背有黑字宛轉若龍盤之形，面色紫光，人望而敬畏之。少有大度，不事家業，輕財好施，以交結賢士大夫爲務。隨德皇帝征鮮



于修禮軍及葛榮殺修禮帝時年十八榮下任將帥察其  
無成謀與諸兄去之計未行會榮滅因隨尔朱榮遷晉陽  
榮忌帝兄弟雄傑遂託以他罪誅帝第三兄洛生帝以家  
冤自理辭旨慷慨榮感而免之益加敬待始以統軍從榮  
征討後以別將從賀拔岳討北海王顥於洛陽孝莊反正  
以功封寧都子後從岳入關平万俟醜奴行原州事時關  
隴寇亂帝撫以恩信百姓皆喜曰早遇宇文使君吾等豈  
從逆亂帝嘗從數騎於野忽聞簫鼓之音以問從者皆莫  
之聞意獨異之普泰二年尔朱天光東拒齊神武留弟顯  
壽鎮長安召秦州刺史侯莫陳悅東下岳知天光必敗欲

北史帝紀九上

卷九

留悅共圖顯壽計無所出帝謂岳曰今天光尚近悅未必  
貳心若以此事告之恐其驚懼然悅雖為主將不能制物  
若先說其衆必人有留心進失尔朱之期退恐人情變動  
若乘此說悅事無不遂岳大喜即令帝入悅軍說之悅遂  
與岳襲長安帝輕騎爲前鋒追至華陰禽顯壽及岳爲關  
西大行臺以帝爲左丞領岳府司馬事無巨細皆委決焉  
齊神武旣除尔朱氏遂專朝政帝請往觀之至并州神武  
以帝非常人曰此小兒眼目異將留之帝詭陳忠款具說  
左右苦求復命倍道而行行一日而神武乃悔發上驛千  
里追帝至關不及而反帝還謂岳曰高歡豈人臣邪逆謀



未發者憚公兄弟耳侯莫陳悅本實庸材亦不爲歡忌但  
爲之備圖之不難今費也頭控弦之騎不下一萬夏州刺  
史解拔彌俄突勝兵三千餘人及靈州刺史曹泥並侍僻  
遠常懷異望至河西流入紇豆陵伊利等戶口富實未奉朝  
風今若移軍近隴扼其要害示之以威懷之以德即可收  
其士馬以資吾軍西輯氏羌北撫沙塞還軍長安臣輔魏  
室此桓文之舉也岳大悅復遣帝詣闕請事密陳其狀魏  
帝納之加帝武衛將軍還令報岳岳遂引軍西次平涼岳  
以夏州隣接寇賊欲求良刺史以鎮之衆皆舉帝岳曰宇  
文左丞吾左右手何可廢也沉吟累日乃從衆議表帝爲

夏州刺史帝至州伊利望風款附而曹泥猶通使於齊神  
武魏永熙三年正月賀拔岳欲討曹泥遣都督趙貴至夏  
州與帝謀帝曰曹泥孤城阻遠未足爲憂侯莫陳悅貪而  
無信是宜先圖也岳不聽遂與悅俱討泥二月至河曲果  
爲悅所害衆散還平涼唯大都督趙貴率部曲收岳屍還  
營三軍未知所屬諸將以都督寇洛年最長推揔兵事洛  
素無雄略威令不行乃請避位於是趙貴言於衆稱帝英  
姿雄略若告喪必來赴難因而奉之大事濟矣諸將皆稱  
善乃令赫連達馳至夏州告帝士吏咸泣請留以觀其變  
帝曰難得而易失者時也不俟終日者機也今不早赴將



恐衆心自離都督彌姐元進規應悅密圖帝事發斬之帝乃率帳下輕騎馳赴平涼時齊神武遣長史侯景招引岳衆帝至安定遇之於傳舍吐哺上馬謂曰賀拔公雖死宇文泰尚存卿何爲也景失色曰我猶箭前耳隨人所射者也景於此還帝至平涼哭岳甚慟將士悲且喜曰宇文公至無所憂矣齊神武又使景與常侍張華原義寧太守王基勞帝帝不受命與基有舊將留之并欲留景並不屈乃遣之時斛斯椿在帝所曰景人傑也何故放之帝亦悔驛追之不及基亦逃歸言帝雄傑請及其未定滅之神武曰卿不見賀拔侯莫陳乎吾當以計拱手取之及沙苑之敗神武乃始追悔于時魏帝將圖神武聞岳被害遣武衛將軍元毗宣旨勞岳軍追還洛陽毗到平涼會諸將已推帝侯莫陳悅亦被敕追還悅既附神武不肯應召帝曰悅枉害忠良復不應詔命此國之大賊乃令諸軍戒嚴將討悅及毗還帝表於魏帝辭以高歡至河東侯莫陳悅在永洛首尾受敵乞少停緩帝志在討悅而未測朝旨且衆未集假爲此辭因與元毗及諸將刑牲盟誓同獎王室初賀拔岳營河曲軍吏獨行忽見一翁謂曰賀拔雖據此衆終無所成當有一宇文家從東北來後必大成言訖不見至是方驗魏帝因詔帝爲大都督即統賀拔岳軍帝乃與悅書責

信州路

北史卷九上

四

江表傳



以殺賀拔岳罪又喻令歸朝悅乃詐為詔書與秦州刺史  
万俟普撥令為己援普撥疑之封以呈帝帝表奏之魏帝  
因問帝安秦隴計帝請召悅授以內官及處以瓜涼一藩  
不然則終致猜虞三月帝進軍至原州衆軍悉集論以討  
悅意士卒莫不懷憤四月引兵上隴留兄子遵為都督鎮  
原州帝軍令嚴肅秋毫無犯百姓大悅軍出木狹關大雪  
平地二尺帝知悅怯而多猜乃倍道兼行出其不意悅果  
疑其左右有異志左右不自安衆遂離貳聞大軍且至退  
保略陽留一万余人據守永洛帝至圍之城降帝即輕騎  
數百趣略陽以臨悅軍其部將皆勸悅退保上邽時南秦

州刺史李弼亦在悅軍間遣使請為內應其夜悅出軍軍  
自驚潰將卒或來降帝縱兵奮擊大破之悅與其子弟及  
麾下數十騎遁走帝乃命原州都督遵追悅至牽屯山斬  
之傳首洛陽帝至上邽悅府庫財物山積皆以賞士卒毫  
釐無所取左右竊以一銀甕歸帝知而罪之即剖賜將士  
衆大悅齊神武聞關隴剋捷遣使於帝深相倚結帝拒而  
不納封神武書以聞時神武已有異志故魏帝深杖於帝  
仍令帝稍引軍而東帝乃令大都督深禦率步騎五千將  
鎮河渭合口為圖河東計魏帝進帝侍中驃騎大將軍開  
府儀同三司關西大都督略陽縣公承制封拜使持節如



故時魏帝方圖齊神武又遣徵兵帝乃令前秦州刺史駱超爲大都督率輕騎一千赴洛魏帝進授帝兼尚書左僕射關西人行臺餘官如故帝乃傳檄方鎮曰蓋聞陰陽遞用盛衰相襲苟當百六無聞三五皇家創歷陶鑄蒼生保安四海仁育萬物運距孝昌也冷屢起隴巽騷動燕河狼顧雖靈命重啓蕩定有期而乘釁之徒因翼生羽賊臣高歡器識庸下出自輿阜罕聞禮義直以一介鷹犬効力戎行醜冒恩私遂階榮寵不能竭誠盡節專挾姦回乃勸尔朱榮行茲篡逆及榮以專政伏誅世隆以凶黨外叛歡若相敦勉令取京師又勸吐万兒復爲弑虐暫立建明以令

天下假推普泰欲竊威權並歸廢斥俱見酷害於是稱兵河北假討尔朱亟通表奏云取讒賊旣行廢黜遂將篡弑以人望未改恐冒鼎鑊交及乃求宗室權允人心天方與魏必將有主翊戴聖明誠非歡力而歡阻兵安忍自以爲功廣布腹心跨州連郡端揆禁闈莫非親黨皆行貪虐竊竊生靈而舊將名臣正人直士橫生瘡痍動挂網羅故武衛將軍伊琳清直武毅禁旅攸屬直閣將軍鮮于康仁忠亮驍傑爪牙斯在歡收而戮之曾無聞奏司空高乾是其黨與每相影響謀屠社稷但姦志未從恐先泄漏乃密白朝廷使殺高乾方哭對其弟稱天子橫戮孫騰任祥歡之心



齊並使二居樞近伺國閒隙知歡逆謀將發相繼歸逃歡益加撫待亦無陳白然歡入洛之始本有姦謀令親人蔡雋作牧河濟厚相恩贍為東道主人故關西大都督清水公賀拔岳勳德隆重興亡攸寄歡好亂樂禍深相忌毒乃與侯莫陳悅陰圖陷害幕府以受律專征便即討戮歡知逆狀已露稍懷放拒遂遣蔡雋拒代令竇泰佐之又遣侯景等云向白馬輔世珍等徑趣石濟高隆之及婁昭等屯據孟關韓軌之徒擁衆蒲坂於是上書天子數論得失譬毀乘輿威侮朝廷藉此微庸冀茲大寶後壑可盈禍心不測或言徑赴荆楚開疆於外或言分詣伊洛取彼讒人或

徐州路字刑

北史帝紀九上

七

占

言欲來入關與幕府決戰今聖明御運天下清夷百寮師師四隩來暨人盡忠良誰為君側而歡威福自己生是亂階緝構南箕指鹿為馬包藏凶逆伺我神器是而可忍孰不可容幕府折衝宇宙親當受脤銳師百萬殺騎千羣畏糧坐甲唯敵是俟義之所在糜軀匪怪頗有詔書班告天下稱歡逆亂徵兵致伐今便分命將帥應機進討或趣其要害或龍衣其窟穴雷繞地擊霧合星羅而歡違負天地毒被人鬼棄此掃蕩易同俯拾歡若度河稍逼宮廟則分命諸將直取并州幕府躬自東轅電赴伊洛若固其巢穴未敢發動亦命羣帥百道俱前繫裂賊臣以謝天下其州鎮



郡縣率土黎人或州鄉冠冕或公勳庸世濟並宜捨逆歸順  
立効軍門封賞之科已有別格凡百君子可不勉哉帝謂  
諸軍曰高歡雖智不足而詐有餘今聲言欲西其意在入  
洛吾欲令寇洛率馬步萬餘自涇州東引王羆率甲士一  
萬先據華州歡若西來王羆必得抗拒如其入洛寇洛即  
龍衣汾晉吾便速駕直赴京邑使其進有內顧之憂退有被  
躡之勢一舉六定此為上策衆咸稱善七月帝帥衆發自  
高平前軍至于弘農而齊神武稍逼京師魏帝親統六軍  
屯河橋令左衛元斌之領軍斛斯椿鎮武牢帝謂左右曰  
高歡數日行八九百里曉兵者所忌正須乘便擊之而王

上以萬乘之重不能度河決戰方緣津據守且長河万里  
扞禦為難一處得度大事去矣即以大都督趙貴為別道  
行臺自蒲坂濟趣并州遣大都督李賢將精騎一千赴洛  
陽會斌之與斛斯椿爭權鎮防不守魏帝遂輕騎入關帝  
備儀衛奉迎謁見於東驛免冠流涕謝罪乃奉魏帝都長  
安披草萊立朝廷軍國之政咸取決於帝仍加授大將軍  
雍州刺史兼尚書令進封略陽郡公別置二尚書隨機處  
分解尚書僕射餘如故初魏帝在洛陽許以馮翊長公主  
配帝未及結納而魏帝西遷至是詔帝尚之拜駙馮都尉  
八月齊神武龍襄臨潼關侵華陰帝率諸軍屯霸上以待之



神武留其將薛瑾守關而退帝乃進軍斬瑾虜其卒七千  
還長安進位丞相十一月遣儀同李諱與李弼趙貴等討  
曹泥於靈州諱引河灌之明年泥降遷其豪帥于咸陽十  
二月魏孝武帝崩帝與君平公定冊尊立魏南陽王寶炬為  
嗣是為文帝

大統元年正月己酉魏帝進帝都督中外諸軍錄尚書事  
大行臺改封安定郡王帝固讓王及錄尚書魏帝許之乃  
改封安定郡公東魏將司馬子如寇潼關帝軍霸上子如  
乃回軍自蒲津寇華州刺史王罷擊走之三月帝命有司  
為二十四條新制奏行之

信州路李州

北史帝紀九 上

九

北史卷九

二年五月秦州刺史建忠王万俟普撥率所部入東魏帝  
輕騎追之至河北千餘里不及而還

三年正月東魏寇龍門屯軍蒲坂造二道浮橋度河又遣  
其將竇泰趣潼關高昂圍洛州帝出軍廣陽召諸將謂曰  
賊掎吾二面又造橋示欲必度是欲綴吾軍使竇泰得西  
入耳且歡起兵以來泰每先驅下多銳卒屢勝而驕今襲  
之必剋剋泰則歡不戰而走矣諸將咸曰賊在近捨而襲  
遠若差跌悔何及也帝曰歡前再龍潼關吾軍不過霸上  
今者大來謂吾但自守耳又狃於得志有輕我之心乘此  
擊之何往不剋賊雖造橋未能徑度比五日中吾取泰必



矣。庚戌帝還長安，聲言欲向隴右。辛亥，謁魏帝而潛軍至小關。賈泰卒聞軍至，陳未成，帝擊之，盡俘其衆，斬泰傳首長安。高昂聞之，焚輜重而走齊。神武亦撤橋而退，帝乃還。六月，帝請罷行臺，魏帝復申前命，受帝錄尚書事，固讓乃止。八月丁丑，帝率李弼、獨孤信、梁禦、趙貴、于謹若干思怡、峯、劉亮、王息侯、莫陳崇、李遠、達奚武等十二將東伐，至潼關。帝乃誓於師曰：「與爾有衆奉天威，誅暴亂，惟爾衆士整爾甲兵，戒爾戎車，無貪財以輕敵，無暴人以作威。用命則有賞，不用命則有戮。爾衆士其勉之。」乃遣于謹先徇地，至盤豆，拔之，獲東魏將高叔禮，送于長安。戊子，至弘農，攻之。

城潰，禽東魏陝州刺史李徽、伯虜，其戰士八千。守將高干走度河，命賀拔勝追禽之，並送長安。於是宜陽、邵郡皆歸附。先是河南豪傑，唯東魏者皆降齊。神武懼，率衆走蒲坂，將自石土濟，遣其將高昂以三萬人出河南。是歲，關中飢，帝館穀於弘農五十餘日，時軍士不滿萬人。聞神武將度，乃還。神武遂度河，逼華州，刺史王罷嚴守，乃涉洛，軍於許原。西帝至渭南，徵諸州兵未會，將擊之。諸將以衆寡不敵，請且待歡，更西以觀之。帝曰：「歡若至咸陽，人情轉騷擾，今及其新至，可擊之。」即造浮橋於渭，令軍士躋。三日，糧輕騎度，滑輜重自渭，夾渭而西。十月壬辰，至沙苑，距齊軍六



餘里神武引軍來會。癸巳，候騎告齊軍至。帝召諸將謀。李弼曰：「彼眾我寡，不可平地置陣。此東十里，有渭曲，可先據。必行之。」遂進至渭，背水東西為陣。李弼為右拒，趙貴為左拒。命將士皆偃戈於葭盧中，聞鼓聲而起。日晡，齊師至。望見軍少，競萃於左。軍亂不成列。兵將交，帝鳴鼓，士皆奮起。于謹等六軍與之合戰。李弼等率鐵騎橫擊之，絕其軍為二。遂大破之，斬六千餘級。臨陣降者二萬餘人。神武夜遁，追至河上，復大剋。前後虜其卒七萬，留其甲兵二萬餘。悉縱歸，收其輜重兵甲，獻俘長安。李穆曰：「高歡膽破矣。」遂之可獲。帝不聽，乃還軍渭南。時所徵諸州兵始至，乃於戰所，準當時兵人種樹一株，栽柳七千根，以旌武功。魏帝進帝柱國大將軍，增邑并前五千戶。李弼等十二將亦進爵增邑。以左僕射馮翊王元季海為行臺，與開府獨孤信帥步騎二萬向洛陽。賀拔勝、李弼度河圍蒲坂。蒲坂鎮將高子信開門納勝軍。東魏將薛崇禮奔城走，勝等追獲之。帝遣軍蒲坂，略定汾絳。初，帝自弘農入關，後東魏將高昂圍弘農。聞其軍敗，退守洛陽。獨孤信至新安，昂復走。度河，遂入洛陽。自梁陳巴西，將吏降者相屬。於是東魏將堯雄、趙貴、是云、寶出、潁川欲復降。帝遣儀同宇文貴、梁遷等逆擊，大破之。趙育來降。東魏復遣任祥率河南兵與堯雄合。



儀同怡峯與賁遷等復擊破之又遣都督章孝寬取豫州是云寶殺其東揚州刺史邢椿以州來降

四年三月帝率諸將入朝禮畢還華州七月東魏將侯景等圍獨孤信於洛陽齊神武繼之帝奉魏帝至穀城臨陣斬東魏將莫多婁奚文悉虜其衆送弘農遂進軍灑東景等夜解圍去及旦帝率輕騎追至河上景等北據河橋南屬芒山為陣與諸軍戰帝馬中流矢驚逸軍中擾亂都督李穆下馬授帝軍復振於是大捷斬其將高曰李猛宋顯等虜其甲士一万五千人赴河死者萬數是日置陣旣大首尾懸遠從旦至未戰數十合氛霧四塞莫能相知獨孤

信李遠居右趙貴怡峯居左戰並不利又未知魏帝及帝所在皆棄其卒先歸開府李諱念賢等為後軍遇信等退即與俱還由是班師洛陽亦失守大軍至弘農守將皆已棄城西走所虜降卒在弘農者因相與閉門拒守進攻拔之誅其魁首數百人大軍之東伐也關中留守兵少而前後所虜東魏士卒皆散在百姓間乃謀亂及李諱等至長安計無所出乃與太尉王明僕射周惠達輔魏太子出次渭北關中大震恐百姓相剽劫於是沙苑所俘軍人趙青雀雍州人于伏德等遂反青雀據長安子城伏德保咸陽太守慕容思度各收降卒以拒還師長安城人皆相率



拒青雀每日接戰魏帝留止闕鄉令帝討之長安父老見  
帝且悲且喜曰不意今日復得見公士女咸相賀華州刺  
史宇文道襲咸陽斬思度禽伏德南度渭與帝會攻破青  
雀大梁景覲先以疾留長安遂與青雀通謀至是亦伏  
誅關中乃定魏帝還長安帝復屯華州十二月是云寶襲  
洛陽東魏將王元軌棄城走都督趙剛襲廣州拔之自襄  
廣以西城鎮復西屬

五年冬大閱於華陰

六年春東魏將侯景出三鵝將侵荊州帝遣開府李弼獨  
孤信各率騎出武關景乃還夏蠕蠕度河至夏州帝召諸  
軍屯沙苑以備之

信州路李刊

北史帝紀九上

十三

晉

七年十一月帝奏行十二條制恐百官不勉於職事又下  
令申明之

八年十月齊神武侵汾絳圍玉壁帝出軍蒲坂神武退度  
汾追之遂遁去十二月魏帝狩於華陰大饗食將士帝帥諸  
將朝於行在所

九年二月東魏北豫州刺史高慎舉州來附帝帥師迎之  
三月齊神武據芒山陣不進者數日帝留輜重於漚曲軍  
士銜枚夜登芒山未明擊之神武單騎為齊拔勝所逐僅  
免帝率右軍若干惠大破神武軍悉虜其步卒趙貴等



將軍居右戰不利神武復合戰帝又不利夜引還入關屯渭上神武進至陝開府達奚武等禦之乃退帝以芒山諸將失律上表自貶魏帝不許於是廣募關隴豪右以增軍  
癸十月大閱於櫟陽還屯華州

十年五月帝朝京師七月魏帝以帝前後所上二十四條及十二條新制方為中興永式命尚書蘇綽更損益之摠為五卷班於天下於是搜簡賢才為牧守令習新制而遣為數年間百姓便之十月大閱於白水

十一年十月大閱于白水遂西狩岐陽

十二年春涼州刺史宇文仲和據州反瓜州人張保害刺

信州府志刊

北史帝紀九上

十四

少

史成慶以應之帝遣開府獨孤信討之東魏將侯景侵襄州帝遣開府若干惠禦之至穰景遁去五月獨孤信平涼州禽仲和遷其百姓六千餘家於長安瓜州都督令狐延起義誅張保瓜州平七月帝大會諸軍於咸陽

十二年正月東魏河南大行臺侯景舉河南六州來附被圍於潁川六月帝遣開府李弼援之東魏將韓軌等遁去景遂徙鎮豫州於是遣開府王思政據潁川弼引軍還七月侯景密圖附梁帝知其謀悉追還前後所配景將士景懼遂叛冬帝奉魏帝西狩咸陽

四年春魏帝詔封帝長子覺為寧都郡公初帝以平元



顛納老莊帝功封寧都縣子至是改以爲郡以封覽用彰  
勤王之始也五月魏帝進帝位太師帝奉魏太子巡撫西  
境登隴刻石紀事遂至原州歷北長城大狩東趣五原至  
蒲州聞魏帝不豫而還及至魏帝疾已愈乃還華州是歲  
東魏將高岳圍王思政於潁川

十五年春帝遣大將軍趙貴帥師援王思政高岳堰洧水  
以灌城潁川以北皆爲陂澤救兵不得至六月潁川陷初  
侯景圍建鄴梁司州刺史柳仲禮赴臺城梁竟陵郡守孫  
暉以郡內附帝使大都督符貴鎮之及建鄴陷仲禮還司  
州來寇暉以郡叛帝大怒十一月遣開府楊忠攻剋隨州

岫於安陸

十六年正月仲禮來援安陸楊忠逆擊於滌頭大破之禽  
仲禮馬岫以城降二月魏帝封帝第二子震爲武邑公七  
月帝東伐拜章武公道爲大將軍摠督留守諸軍屯涇北  
鎮關中九月丁巳軍出長安連雨自秋及冬諸軍馬驢多  
死遂於弘農北造橋濟河自蒲坂還於是河南自洛陽河  
北自平陽以東遂入齊

十七年三月魏文帝崩皇太子嗣位帝以冢宰摠百揆十  
月帝遣大將軍王雄出子午山以上津魏興大將軍達奚武  
出散關伐南鄭



廢帝元年春王雄平上津魏興以其地置東梁州四月達奚武圍南鄭月餘梁州刺史宜豐侯蕭脩以州降武八月東梁州百姓圍州城帝復遣王雄討之

二年正月魏帝詔帝爲左丞相大行臺都督中外諸軍事二月東梁州平遷其豪帥於雍州三月帝遣大將軍魏安公尉遲迴帥師伐梁武陵王蕭紀於蜀四月帝勒銳騎三萬西踰隴度金城河至姑臧吐谷渾震懼遣使獻其方物七月帝至自姑臧八月尉遲迴刺成都劔南平十一月尚書元列謀亂伏誅

三年正月始作九命之典以叙內外官爵以第一品爲九

北史帝紀九上

十六

命第九品爲一命改流外品爲九秩亦以九爲上又改置州郡縣凡改州四十六置州一改郡一百六改縣三百三十魏帝有怨言於是帝與公卿議廢帝立齊王廓是爲恭帝

恭帝元年四月帝大饗羣臣魏史柳虬執簡書告于朝曰廢帝文皇帝之嗣子年七歲文皇帝託於安定公曰是子也才由于公不才亦由于公公宜勉之公既受茲重寄居元輔之任又納女爲皇后遂不能訓誨有成致令廢黜負文皇帝付屬之意此咎非安定公而誰帝乃令太常盧辨詳明公曰嗚呼我羣后暨衆士維文皇帝以襁褓之



託於予訓之誨之庶厥有成予罔能弗終觀心備暨  
平廢墜我文皇帝之志嗚呼茲處予其焉避予實知之矧  
尔衆人之心哉惟予之顏豈惟今厚將恐來世以予爲口  
實乙亥魏帝詔封帝子邕爲輔城公憲爲安城公七月西  
狩至原州梁元帝遣使請據舊圖以定疆界又連結於齊  
言辭悻慢帝曰古人有言天之所棄誰能興之其蕭繹之  
謂乎十月壬戌遣柱國子謹中山公護與大將軍楊忠輩  
孝寬等步騎五万討之十一月癸未師濟漢中山公護與  
楊忠率銳騎先屯其城下景申子謹至江陵列營圍守辛  
亥剋其城戕梁元帝虜其百官士庶以歸沒爲奴婢者十  
餘萬免者二百餘家立蕭譽爲梁主居江陵爲魏附庸魏  
氏之初統國三十六大姓九十九後多絕滅至是以諸將  
功高者爲三十六國後次者爲九十九姓後所統軍人亦  
改從其姓

信略卷三

北齊書紀九上

十七

魏書

二年梁廣州刺史王琳寇邊十月帝遣大將軍豆盧瑑帥  
師討之

三年正月丁丑初行周禮建六官魏帝進帝位太師大冢  
宰帝以漢魏官繁思革前弊大統中乃令蘇綽盧辯依周  
制改創其事尋亦置六卿官然爲撰次未成衆務猶歸臺  
閣至是始畢乃命行之四月帝北巡七月度北河魏帝封



帝子直為秦郡公招為正平公九月帝不豫還至雲陽命中山公護受清輔嗣子十月乙亥帝薨于雲陽宮還長安發喪時年五十二月甲申葬于成陵謚文公及孝閔帝受禪追尊為文王廟曰太祖武成元年追尊為文皇帝帝知人善任使從諫如順流崇尚儒術明達政事恩信被物能駕馭英雄一見之者咸思用命沙苑所獲囚俘釋而用之及河橋之役以充戰士皆得其死力諸將出征授以方略無不制勝性好朴素不尚虛飾恒以反風俗復古始為心云

孝閔皇帝諱覺字陀羅尼文帝第三子也母曰元皇后天

信州路志子刊

北史帝紀九上

十八

倪子刊

統八年生於同州七歲封略陽郡公時善相者史元華見帝退謂所親曰此公子有至貴相但恨不壽耳魏恭帝三年二月命為安定公卅子四月拜大將軍十月乙亥文帝崩景子卅子嗣位為太師大冢宰十二月丁亥魏帝詔以岐陽地封帝為周公庚子詔禪位于帝曰予聞皇天之命不予常惟歸于德故堯授舜舜授禹時宜也天厭我魏邦垂變以告惟尔罔弗知予雖不明敢弗襲天命格有德哉今踵唐虞舊軌禪位于周庸布告尔焉使大宗伯趙貴持節奉冊書曰咨尔周公帝王之位弗常有德者受命時乃天道予式時庸荒求于唐虞之彛豈理曰我魏德之終舊矣



我封小大罔弗知今其可亢怫于天道而不歸有德歟時  
用詢謀僉曰公昭考文公格勲德于天地丕濟黔黎洎公  
又躬宣重光故玄象徵見于上謳訟奔走于下天之曆數  
用實在焉予安敢弗若是以欽祗聖典遜位于公公其享  
茲天命保有萬國可不慎歟魏帝臨朝遣戶部中大夫濟  
北公元迪致皇帝爾璽綬帝固辭公卿百辟勸進大史陳祥  
瑞乃從之是日魏帝遜位于大司馬府

元年春正月天王即位柴燎告天朝百官于路門追尊皇  
考文公爲文王皇妣爲文后大赦封魏帝爲宋公是日槐  
里獻赤雀百官奏議曰帝王之興罔弗更正朔明受之於

天華人視聽也逮于辰甫稽諸陰陽云行真之時後王所  
不易今魏曆告終周室受命以木承水實當行錄正用夏  
時式遵聖道惟文王誕玄氣之祥有黑水之讖服色宜尚  
焉制曰可以大司徒趙郡王李弼爲太師以太宗伯南陽  
公趙貴爲太傅大冢宰以大司馬河內公獨孤信爲太保  
以大宗伯中山公護爲大司馬以大將軍寧都公毓高陽  
公達奚武武陽公豆盧寧寧小司寇陽平公李遠小司馬博  
陵公賀蘭祥小宗伯魏安公尉迥等並爲柱國壬寅祀圓  
丘詔曰予本自神農其於二丘宜作厥主始祖獻侯啓土  
遼海馳南北郊文考德符五運受天明命祖于明堂以配



上帝癸卯祀方丘甲辰遂祭太社初除市門稅乙巳享太廟丁未會于乾安殿班賞各有差戊申詔有司分命使者巡察風俗求人得失禮餼高年恤于鰥寡辛亥祀南郊壬子立王后元氏辛酉享太廟癸亥親耕籍田二月癸酉朔朝日于東郊戊寅祭太社丁亥柱國楚國公趙貴謀反伏誅太保獨孤信罪免甲午以大司空梁國公侯莫陳崇爲太保大司馬晉國公護爲大冢宰柱國博陵公賀蘭祥爲大司馬高陽公達奚武爲大司寇大將軍化政公宇文貴爲柱國三月己酉衛國公獨孤信賜死癸亥省六府士負三分之一夏四月壬申降死罪已下囚壬午謁成陵丁亥享太廟五月己酉帝將觀漁於昆明池博士姜頊諫乃止秋七月壬寅帝聽訟於右寢多所哀宥辛亥享太廟八月戊辰祭太社辛未降死罪已下囚甲午詔二十四軍舉賢良九月庚申改太守爲郡守帝性剛果忌晉公護之專司會李植軍司馬孫恒以先朝佐命入侍左右亦疾護權重乃與宮伯乙鳳賀拔提等潛請帝誅護帝許之又引宮伯張先洛先洛以白護護乃出植爲梁州刺史恒爲潼州刺史鳳等更奏帝將召羣臣入因此誅護先洛又白之時小司馬尉綱總統宿衛兵護乃召綱入殿中詐呼鳳等論事以次執送護第並誅之綱仍罷禁兵帝無左右獨在內殿



公官人執兵自守護遣大司馬賈蘭祥逼帝遜位貶為略陽公遂幽於舊邸月餘日以弒崩時年十六植恒等亦遇害及武帝誅護後乃詔曰故略陽公至德純粹天姿秀傑屬蜀魏祚告終寶命將改謳歌公集曆數攸歸上協蒼靈之慶下昭后祇之錫而禍生肘腋豐起蕭牆白武噬驂蒼鷹隼殿幽辱神器弒酷乘輿冤結生靈毒流寓縣今河海澄清氛沴消蕩追尊之禮宜崇徽號遣太師蜀國公迴於南郊上謚曰孝閔皇帝陵曰靜陵

世宗明皇帝諱毓小名統方突文皇帝之長子也母曰姚夫人永熙三年文帝臨夏州生於統方城因以名焉大統十四年封寧都郡公魏恭帝三年累遷大將軍鎮隴右孝閔踐阼進位柱國轉岐州刺史有美政及孝閔廢晉公護遣迎帝於岐州九月癸亥至京師止於舊邸羣臣上表勸進備法駕奉迎帝固讓羣臣固請乃許之

元年秋九月天王即位大赦乙丑朝羣臣於延壽殿冬十月癸酉太師趙國公李弼薨己卯以太將軍昌平公尉綱為柱國乙酉祀圓丘景戌祀方丘甲午祭太社陽平公李遠賜死辛未梁敬帝遜位於陳十一月庚子享太廟丁未祀圓丘十二月庚子謁成陵庚辰以大將軍輔城公邕為柱國戊子赦長安見囚甲子詔元氏子女自坐趙貴等事



以來所有沒入為官口者悉免之

二年春正月乙未以大象宰晉公護為太師辛亥親耕籍田癸丑立王后獨孤氏丁巳於雍州置十二郡三月甲午北豫州刺史司馬消難舉州來附改雍州刺史為牧京兆郡守為尹庚申詔三十六國九十九姓自魏南徙皆稱河南人今周室既都關中宜改稱京兆人夏四月己巳以太師晉公護為雍州牧辛未降死罪囚一等五歲刑已下皆原之甲戌天王后獨孤氏崩甲申葬敬后五月乙未以大司空梁國公侯莫陳崇為大宗伯六月癸亥嘽國遣使朝貢己巳板授高年刺史守令恤鰥寡孤獨各有差分長

州志卷九

北史九上

共一

五

安為万年縣並居京城壬申遣使分行州郡理因徒察風俗掩骸埋齒秋七月順陽獻三足鳥八月甲子羣臣上表稱慶於是大赦文武普進級九月辛卯以大將軍楊忠王雄並為柱國甲辰封少師元羅為韓國公以紹魏後丁未行幸同州故宅賦詩冬十月辛酉突厥遣使朝貢癸亥太廟成乙亥以功臣琅邪貞獻公賀拔勝等十三人配享文帝廟庭壬午大赦

武成元年春正月己酉太師晉公護上表歸政帝始親万機軍旅猶摠於護初改都督諸州軍事為摠管三月癸巳陳六軍帝親擐甲胄迎太白於東方吐谷渾寇邊庚戌遣



大司馬博陵公賀蘭祥率衆討 夏五月戊子詔有司造  
周曆已亥聽訟於正武殿辛亥以大宗伯梁國公侯莫陳  
崇爲大司徒大司寇高陽公達奚武爲大宗伯武陽公豆  
盧寧爲大司寇柱國輔城公邕爲大司空乙卯詔曰比屢  
有亂發官司赦前事者有司自今勿推究唯庫廩倉廩與  
海內所共漢帝有云朕爲天下守財耳若有侵盜公家財  
畜錢粟者魏朝之事年月既遠一不須問自周有天下以  
來雖經赦宥事迹可知者有司宜即推窮得實之日免其  
罪徵備如法加貝蘭祥攻拔洮陽大和二城吐谷渾遁走閭  
月高昌遣使朝貢六月戊子大雨霖詔公卿大夫士爰及

牧守黎庶等令各上封事謹言極諫無有所諱其遭水者  
有司可時巡檢條列以聞庚子詔曰潁川徐 我思曰元勳  
無忘父城實起王業文考屬天地草昧造化惟輿拯彼流  
亡匡茲頽運賴英賢盡力文武同心翼贊大功 克隆帝業  
而被堅執銳櫛風沐雨永言疇昔良用憮然若功成名遂  
建國割符子唯休也其有致死王事妻子無歸 朕甚傷  
之凡從先王向夏州發夏州從來見在及盡死亡者並量賜  
錢帛稱朕意焉是月陳武帝殂秋八月己亥改天玉稱皇  
帝追尊文王爲文皇帝大赦改元癸丑增御正四人位上  
大夫冬十月齊文宣帝殂



二年春正月癸丑朔大會羣臣于紫微殿始用百戲三月  
辛酉重陽閣成會羣臣公侯列將卿大夫及突厥使於芳  
林園賜錢帛各有差夏四月帝因食糖糲遇毒庚子大漸  
詔曰人生天地之間稟五常之氣天地有窮已五常有推  
移人安得長在是以有生有死者物理之必然處必然之  
理脩短之間何足多恨朕雖不德性好典墳披覽聖賢餘  
論未嘗不以此自曉今乃命也夫復何言諸公及在朝卿  
大夫士軍中大小督將軍等並立勲効精着年載輔翼  
太祖成我周家令朕纘承大業處萬乘之上此上不負太  
祖下不負朕躬朕得啓手啓足從先帝於地下實無恨于

心矣所可恨者朕享大位可謂四年矣不能使政化修理  
黎庶豐足九州未一二方猶梗顧此恨恨目用不瞑唯異  
仁兄冢宰洎朕先正先父公卿大臣等協和為心勉力相  
勸勿忘太祖遺志提挈後人朕雖沒公泉形骸不朽今大  
位虛曠社稷無主朕兒幼少未堪當國魯國公龜朕之介  
弟寬仁大度海內共聞能弘我周家必此子也夫人貴有  
始終公等事太祖輔朕躬可謂有始矣若克念政道願其  
艱難輔邕以主天下者可謂有終矣哀死事生人臣大節  
公等可思念此言令萬代稱歎朕崇生儉素非能力行菲  
薄每寢大布之被服大帛之衣凡起器用皆無彫刻身終



之日其容違棄此好喪事所須務從儉約斂以時服勿使有金玉之飾若以禮不可闕甘令用瓦小斂訖七日哭文武百官各權辟麻苴以素服從事葬日選擇不毛之地因勢為墳勿封勿樹且厚葬傷生聖人所誡既服膺聖人之教安敢違之凡百官司勿異朕意四方州鎮使到各令三日哭哭訖權辟凶服還以素服從事待大例除非有呼召各按部自守不得輒奔赴闕庭禮有通塞隨時之義葬訖內外悉除服從吉三年之內勿禁婚娶一令如平常也時事殷猥病困心亂止能及此如事有不盡準此以類為斷死而可忍古人有之朕今忍死盡此懷抱其詔即帝口授

也辛丑帝崩於延壽殿時年二十七謚曰明皇帝廟號世宗五月辛未葬於昭陵帝寬明仁厚敦睦九族有君人之量幼而好學博覽羣書善屬文詞彩溫麗及即位集公卿已下有文學者八十餘人於麟趾殿刊校經史又摭採衆書自戴農已來訖于魏末叙爲世譜凡百卷所著文章十卷

論曰昔者水運將終羣凶放命或權威震主或黷逆滔天咸謂大寶可以力致神器可以求得而卒誅夷繼及亡不旋踵是知天命有底庸可愒乎周文爰自潛躍衆無一旅驅馳戎馬之際躡足行伍之間時屬與能運膺啓聖鳩集



義勇糾合同盟一舉而殄仇讎再駕而匡帝室於是內詢  
帷幄外杖材雄推至誠以待人弘大順以訓物高氏藉甲  
兵之衆恃戎馬之強屢入近畿志圖吞噬及英謀電發神  
旆風馳弘農建城濮之勳沙苑有昆陽之捷取威定霸以  
弱為強紹元宗之衰緒創隆周之景命南清江漢西舉巴  
蜀北控沙漠東據伊瀍乃擯落魏晉憲章古昔修六官之  
廢典成一代之鴻規德刑並用勲賢兼叙遠安邇悅俗阜  
人和億兆之望有歸揖讓之期允集功業若此人臣以終  
盛矣哉非求雄略冠時又安不世天與神授緯武經文者  
孰能與於此乎昔漢獻蒙塵曹公成夾輔之業晉安播蕩  
宋武建匡合之勲校德論功綽有餘裕至於渚宮制勝闔  
城擊戮蠕蠕歸命蓋種誅夷雖事出於權道而用乖於德  
教斯為過矣孝閔承既安之業膺樂推之運明皇處代邸  
之尊纂大宗之緒始則權臣專命終乃政出私門俱懷芒  
刺之疑用致幽弒之禍惜哉

周本紀上第九

北史九

方洽

周

巳千

孫

粹然校正



周本紀下第十

北史十

高祖武皇帝諱邕字禰羅突文帝第四子也母曰毗奴太后魏大統九年生於同州有神光照室帝幼而孝敬聰敏有器質文帝異之曰成吾志者此兒也年十二封輔城郡公孝閔帝踐阼拜大將軍出鎮同州明帝即位遷柱國授蒲州刺史入爲大司空行御正進封魯國公領宗師甚見親愛參議朝廷大事性沉深有遠識非因問終無所言帝每歎曰夫人不言一言必有中武成二年四月帝崩遺詔傳位於帝帝固讓百官勸進乃從之壬寅即皇帝位大赦冬十二月改作路門是歲齊孝昭帝廢其主壻而自立

州序

北史帝紀十一

一

行

保定元年春正月戊申改元文武百官各增四級以大冢宰晉公護爲都督中外諸軍事令五府總於天宮庚戌祀圓丘壬子祀方丘甲寅祀感帝於南郊乙卯祭太社己巳享太廟班文帝所述六官於廟庭甲戌板授高年官各有差乙亥親耕籍田景子大射於正武殿賜百官各有差二月己卯遣大使巡察天下風俗甲午朝日於東郊景午省輦輿去百戲三月景寅改八丁兵爲十二丁兵率歲一月役夏四月景子朔日有蝕之庚寅以少傅吳公尉綱爲大司空丁酉白蘭遣使獻犀甲鐵鎧五月景午封孝閔皇帝子康爲紀國公皇太子贊爲魯國公晉公護獲玉斗以獻六



月乙酉遣御正殿不害使於陳秋七月戊申以旱故詔所  
在降死罪已下囚更鑄錢文曰布泉以一當五與五銖並  
行九月甲辰南寧州使獻滇馬及蜀鎧冬十月甲戌朔日  
有蝕之十一月乙巳陳人來聘丁巳狩於歧陽是月齊孝  
昭帝殂十二月車駕至自歧陽是歲突厥吐谷渾高昌宕  
昌龜茲等國並遣使朝貢

二年春正月壬寅初於蒲州開河渠同州開龍首渠以廣  
溉灌丁未以陳主弟頊為柱國送還江南閏月己亥大司  
馬涼公賀蘭祥薨二月癸丑以久不雨宥罪人京城三十  
里內禁酒梁主蕭詧薨夏四月甲辰以旱故禁屠宰癸亥

州志

卷之二

二

木

詔曰諸柱國等勲德隆重宜有優崇各准別制邑戶聽寄  
食他縣五月庚午以南山眾瑞並集免今年役及租賦之  
半壬辰以柱國隋公楊忠為大司空六月己亥以柱國蜀  
公尉迴為大司馬分山南荊州安州襄州江陵為四摠管  
秋九月戊辰朔日有蝕之陳人來聘冬十月辛亥帝御大  
武殿大射戊午講武於少陵原十一月丁卯以大將軍衛  
公直趙公招並為柱國

三年春正月辛未改并遷國為遷州乙酉太保梁公侯莫  
陳崇賜死二月庚子初頒新律辛酉詔自今舉大事行大  
政非軍機急速皆依月令以順天心二月乙丑朔日有蝕



之景子宕昌國獻生猛獸 二詔放之南山夏四月乙未以  
柱國鄭公達奚武為太保 大將軍韓果為柱國己亥帝御  
正武殿錄囚徒癸卯大雩 癸丑有牛足生於背戊午幸太  
學以太傅燕公于謹為三 老而問道焉初禁天下報讎犯  
者以殺人論壬戌詔百官 及庶人上封事極言得失五月  
甲午朔以旱故避正寢不 受朝甲戌雨秋七月戊辰行幸  
原州庚午陳人來聘丁丑 幸津門問百年賜以金帛又賜  
高年板職各有差降死罪 囚一等八月丁未改作路寢九  
月甲子自原州登隴山景 戌幸同州戊子詔柱國楊忠率  
騎一萬與突厥伐齊己丑 初令世龍州郡縣者悉改為五

信州路季刊

北口高紀十上

三二

新

等爵州封伯郡封子縣封 男冬十月庚戌陳人來聘十二  
月辛卯車駕至自同州遣 太保達奚武率騎三萬出平陽  
以應楊忠是月有人生子 男而陰在背後如尾兩足指如  
獸爪有犬生子腰以後分 為二身兩尾六足

四年春正月庚申楊忠破 齊長城至晉陽而還二月庚寅  
朔日有蝕之三月庚辰 初令百官執笏夏四月癸卯以柱  
國鄧公實熾為太宗伯五 月壬戌封明帝長子賢為畢公  
癸酉以大將軍安武公李 穆為柱國丁亥改禮部為司宗  
大司禮為禮部大司祀 樂為樂部六月庚寅改御伯為納言  
秋七月焉耆國遣使獻名 馬八月丁亥朔日有蝕之詔柱



國楊忠帥師與突厥戰伐至北河而還戊子以柱國齊公  
憲為雍州牧以許公宇文貴為大司徒九月丁巳以柱國  
衛公直為大司空陳人來聘是月以皇世母閻氏自齊至  
大赦閏月己亥以大將軍韋孝寬長孫儉並為柱國冬十  
月癸亥以大將軍陸通宇文盛蔡公廣並為柱國甲子詔  
大冢宰晉公護伐齊齋於太廟庭授以斧鉞於是護總大  
軍出潼關大將軍權景宣帥山南諸軍出豫州少師楊擢  
出軹關丁卯帝幸沙苑勞師癸酉還宮十一月甲午柱國  
尉遲迴圍洛陽柱國齊公憲營芒山晉公護次陝州十二  
月景辰齊豫州刺史王士高以州降壬戌齊師度河晨至  
洛陽諸軍驚散尉迴帥麾下數十騎扞敵得却至夜引還  
柱國王雄力戰死之遂班師楊擢於軹關戰沒權景宣亦  
棄豫州而還是歲突厥粟社斤等國並遣使朝貢

五年春正月甲申朔以柱國王雄死王事故廢朝乙巳以  
雄世子謙為柱國二月辛丑詔陳公純等逆皇右子突厥  
景寅以柱國李穆為大司空綏德公陸通為大司空壬申  
行幸岐州戊子柱國且盧噐丁薨夏四月齊武成帝禪位於  
其太子緯自稱太上皇帝五月己亥左右武伯各置中大  
夫一人六月庚申彗星出三台入文昌犯上將經紫宮入  
苑漸長丈餘百餘日乃滅辛未詔江陵人年六十五已上



爲官奴婢者已令放免其公家奴婢年七十以外者所有官私直贖爲庶人秋七月辛巳朔日有蝕之庚寅行幸秦州降死罪已下刑辛丑遣大使巡察天下八月景子車駕至自秦州冬十月辛亥改函谷關城爲通洛防十一月丁未陳人來聘是歲吐谷渾遣使朝貢

天和元年春正月己卯朔日有蝕之辛巳考路寢命羣臣賦古詩京邑耆老亦會焉頒賜各有差癸未大赦改元百官普加四級己亥親耕藉田丁未於宕昌國置宕州遣小載師杜果使於陳二月戊辰詔三公已下各舉所知庚午日鬪光遂微日中見鳥三月景午祀南郊夏四月辛亥零

是月陳文帝殂五月庚辰帝御正武殿集羣臣親講禮記吐谷渾龍涸王莫昌率戶內附以其地爲扶州甲午詔曰甲子己卯禮云不樂長弘表昆吾之稔杜預有揚解之文自世道喪亂禮儀紊毀此典茫然已墜於地宜依是日有事停樂庶知爲君之難爲臣不易貽之後昆駸鑿斯在六月景午以大將軍辛威爲柱國秋七月戊寅築武功郿斜谷武都留谷津坑諸城以置軍人壬午詔諸曹子入學但束脩於師不勞釋奠釋奠者學成之祭自今卽爲恒式八月己未詔諸有三年之喪或負土成墳或寢苦骨立志一行可稱揚者本部官司隨事上言當加弔勉以勵薄俗



九月乙亥信州蠻反詔開府陸騰討平之冬十月甲子初  
造山雲儻以備六代樂十一月景戎行幸武功等城十二  
月庚申還宮

二年春正月癸酉朔日有蝕之己亥親耕籍田三月癸酉  
改武遊園爲道會苑丁亥初立郊丘壇壝制度夏四月乙  
巳省併東南諸州以大將軍陳公純爲柱國六月辛亥尊  
所生叱奴氏爲皇太后閏月庚午地震戊寅陳湘州刺史  
華皎帥衆來附壬辰以大將軍譙公儉爲柱國秋七月辛  
丑梁州上言鳳凰集楓樹羣鳥列侍以萬數甲辰立路門  
學置生七十二人壬子以太傅燕公于謹爲雍州牧九月

衛公直等與陳將淳于量吳明徹戰于沌口王師敗績元  
定以步騎數千先度遂沒江南冬十一月戊戌朔日有蝕  
之癸丑太保許國公宇文貴薨是歲突厥吐谷渾安息等  
國並遣使朝貢

三年春正月辛丑祀南郊二月癸卯皇后阿史那氏至自  
突厥甲辰大赦丁未大會百寮及賓客於路寢戊午太傅  
燕公于謹薨夏四月辛巳以太保達奚武爲太傅大司馬  
尉迴爲太保柱國齊公憲爲大司馬五月庚戌享太廟六  
月甲戌有星孛於東井秋七月壬寅柱國隋公楊忠薨八  
月乙丑韓公元羅薨齊人來聘請和親詔軍司馬陸逞報



聘癸酉帝御大德殿集百寮及沙門道士等親講禮記  
十月癸亥享太廟丁亥上親帥六軍講武於城南京邑觀  
者輿馬彌漫數十里諸蕃使咸在焉十一月壬辰朔日有  
蝕之壬子遣開府崔彥穆使於齊甲寅陳安成王瑱廢其  
主伯宗而自立辛未齊武成帝殂

四年春正月辛卯朔以齊武成殂故廢朝遣司會李綸等  
會葬於齊二月戊辰帝御大德殿集百寮道士沙門等計  
論釋老夏四月己巳齊人來聘五月己丑帝製象象經成集  
百寮講說封魏廣平公子元謙為韓國公以紹魏後丁巳  
柱國吳公尉綱薨六月築原州及涇州東城秋七月突厥

信州府志

北史帝紀一上

七

吾

遣使獻馬柱國昌寧公長孫儉薨

五年春三月甲辰初令宿衛官住關外者將家累入京不  
樂者解宿衛夏四月甲寅以柱國宇文盛為太宗伯省帥  
都督官景寅遣大使巡察天下六月景子以皇女生故降  
宥罪人并免逋租懸調冬十月辛巳朔日有蝕之丁酉太  
傅鄭公達奚武薨十一月丁卯柱國幽公廣薨十二月癸  
巳大將軍鄭恪帥師平越舊置西寧州是月齊將斛律光  
侵邊於汾北築城自華谷至龍門

六年春正月己酉朔以路門未成故廢朝丁卯以大將軍  
王傑譚公會鴈門公田弘魏公李暉等並為柱國三月己



西齊公憲自龍門度河斛律光退保葉谷憲攻拔其新築  
五城夏四月戊寅朔日有蝕之辛卯信州蠻反遣大將軍  
趙闇帥師討平之庚子以大將軍司馬消難侯莫陳瓊大  
安公閻慶神武公賈毅南陽公叱羅協平高公侯伏侯龍  
恩並為柱國五月癸亥遣納言鄭詡使於陳景寅以大將  
軍李諱中山公訓杞公亮上庸公陸騰安義公宇文丘北  
平公寇紹許公宇文善捷為公高琳鄭公達奚震隴東公  
楊纂常山公于翼並為柱國六月乙未以大將軍太原公  
王秉為柱國是月齊將段孝先攻陷汾州秋七月乙丑以  
大將軍越公盛為柱國八月癸酉省掖庭四夷樂後宮羅  
綺工五百餘人冬十月壬午翼公通薨乙未遣右武伯谷  
會琨使於齊壬寅上親帥六軍講武於城南十一月壬子  
以大將軍梁公侯莫陳芮大將軍李意並為柱國景辰齊  
人來聘丁巳行幸散關十二月己丑還宮是冬牛疫死者  
十六七

建德元年春正月戊午帝幸玄都觀親御法座講說公卿  
道俗論難事畢還宮降死罪及流罪一等其五歲刑已下  
並宥之二月癸酉遣大將軍昌城公深使於突厥司宗李  
際使於齊乙酉柱國安義公宇文丘薨二月癸卯朔日有  
蝕之齊人來聘景存謀大冢宰晉公護及其子柱國譚公



會年柱國侯伏侯龍恩及其弟大將軍萬壽大將軍劉勇  
等大赦改元罷中外府癸亥以太傅尉迥為太師柱國實  
熾為太傅大司空李穆為太保齊公實為大冢宰衛公直  
為大司徒趙公招為大司空柱國辛酉為大司空寇綏德公  
陸通為大司馬詔曰人勞不止則星動於天作事不時則  
石言於國頃興造無度徵發不已加以頻歲師旅農畝廢  
業去秋災蝗年穀不登自今正調以外無妄徵發夏四月  
甲戌以代公達滕公道並為柱國己卯詔公卿已下各舉  
所知遣工部代公達使於齊景戌詔百官軍人上封事極  
言得失丁亥詔斷四方非常貢獻庚寅追尊略陽公為孝

閔皇帝癸巳立魯公贊為皇太子大赦百官各加封級五  
月壬戌以大旱集百官於庭詔之曰亢陽不雨豈朕德薄  
刑賞乖中歟將公卿大臣或非其人歟宜盡直言無有所  
隱公卿各引咎自責其夜澍雨六月庚子改置宿衛官負  
秋七月辛丑陳人來聘九月庚子朔日有蝕之庚申扶風  
掘地得玉盃以獻冬十月庚午詔江陵所獲俘虜充官口  
者悉免為百姓辛未遣小匠師楊勰使於陳大司馬綏德  
公陸通薨十一月景午上親御六軍講武于城南庚戌行  
幸羌橋集京城東諸都督以上頒賜各有差乙卯還宮壬  
戌以大司空趙公招為大司馬十二月壬申行幸斜谷集



京城以西諸軍都督以上頒賜有差景成還宮己丑帝御  
正式殿親錄囚徒至夜而罷庚寅幸道會苑以上善殿壯  
麗遂焚之

二年春正月辛丑祀南郊乙巳以柱國田弘為大司空大  
將軍若干鳳為柱國庚戌復置帥都督官乙卯享太廟閏  
月己巳陳人來聘二月甲寅詔皇太子贊巡撫西土壬戌  
遣司會侯莫陳凱使於齊省雍州內八部併入京兆馮翊  
扶風咸陽等郡三月己卯皇太子於岐州獲白鹿二以獻  
詔答曰在德不在瑞癸巳省六府諸司中大夫以下官府  
置四司以下大夫為官之長上士貳之夏四月己亥享太

廟景辰增改東宮官員五月丁丑以柱國侯莫陳瓊為大  
宗伯滎陽公司馬消難為大司空寇上庸公陸騰為大司空  
六月庚子省六府員外諸官皆為丞壬子皇孫衍生文武  
官普加一級大階大選諸軍將帥景辰帝御路寢集諸軍  
將勳以戎事庚申詔諸軍旗旌皆畫以猛獸鷲鳥之象秋  
七月己巳享太廟自春末不雨至於是月壬申集百寮於  
大德殿帝責躬罪已問以時政得失戎子雨八月景午改  
三夫人為三妃關中大蝗九月乙丑陳人來聘己亥詔曰  
頃者婚嫁競為奢靡有司宜加宣勅使遵禮制冬十月癸  
卯齊人來聘甲辰奏六代樂成帝御崇信殿集百官觀之



十一月辛巳帝親帥六軍講武於城東癸未集諸軍都督以上五十人於道會苑大射帝親臨射堂大備軍容十二月癸巳集羣官及沙門道士等帝升高座辨釋三教先後以儒教為先道教次之佛教為後以大將軍赫連達為柱國詔軍人之閒年多壽可頒授老職使榮沾邑里戊午聽訟於正武殿自旦及夜繼之以燭

三年春正月壬戌朝君臣於二門冊柱國齊公憲衛公直趙公招譙公儉陳公純越公成一代公達滕公道並進爵為王己巳享太廟庚午突厥遣使獻馬於西詔自今男年十五女年十三以上爰及鰥寡所在以時嫁娶務從節儉乙

亥親耕藉田景子初服短衣享二十四軍督將以下試以軍旅之法縱酒盡歡詔以往歲年穀不登令公私遵俗凡有貯積粟麥者皆準口聽留已外盡糶二月壬辰朔日有蝕之丁酉紀公康畢公賢鄴公貞宋公實漢公替秦公贄曹公允並進爵為王景午令六府各舉賢良清正之士癸丑柱國許公宇文善有罪免景辰大赦三月癸酉皇太后比奴氏崩帝居倚廬朝夕共一溢米羣臣表請累旬乃止詔皇太子贊摠庶政夏四月乙卯齊人來弔賜會葬丁巳有星孛於東井五月庚申葬文宣后於水固陵帝袒跣至陵所辛酉詔曰齊斬之情經籍彙訓近代沿革遂亡斯禮



伏奉遺令既葬便除攀慕凡筵情實未忍三年之喪運於天子古今無易之道王者之所常行但時有未諧不得全制軍國務重庶有聽朝哀麻之節苦廬之禮率遵前典以申罔極百寮以下宜遵遺令公卿上表固請俯就權制過葬即吉帝不許引古答之羣臣乃止於是遂申三年之制五服之內亦令依禮初置太子諫議員四人文學十人皇子皇弟友員各二人學士六人戊辰詔故晉公護及諸子並追復先封改葬加謚景子初斷佛道二教經像悉毀罷沙門道士並令還俗并禁諸淫祀非祀典所載者盡除之六月丁未集諸軍將教以戰陣之法壬子更鑄五行大布

錢以一當十與布泉錢並行戊午詔曰至道弘深混成無際體包空有理極幽玄但歧路既分源流逾遠淳離朴散形器斯乖遂使三墨八儒朱紫交競九流七略異說相騰道隱小成其來舊矣不有會歸以驅靡息今可立通道觀聖哲微言先賢典訓金科玉篆秘隨玄文可以濟養黎元扶成教義者並宜弘闡一以貫之俾夫翫培塿者識嵩岱之崇岵守積礫者悟渤澥之泓澄不亦可乎秋七月庚申行幸雲陽宮乙酉衛王直在京反欲突入肅章門司武尉遲運等拒守直敗遁走戊子車馬至自雲陽宮八月辛卯禽直於荊州免為庶人冬十月旦京師詔御正揚尚希使於



陳庚子詔蒲州人遭飢乏絕者令向郿城以西及荊州管內就食甲寅行幸蒲州乙卯曲赦蒲州見囚大辟以下景辰行幸同州十一月戊午于隕遣使獻名馬己巳大閱於同州城東甲戌車駕至自同州十二月戊子大會衛官及軍人以上賜錢帛各有差景申改諸軍軍人並名侍官癸卯集諸軍講武於臨臯澤涼州比年地震壞城郭地裂涌泉出

四年春正月戊辰初置營軍器監壬申布寬大之詔多所蠲免二月景戌朔日有蝕之辛卯改置宿衛官真己酉柱國廣德公李音有罪免三月景辰遣小司寇元衛使於齊

郡縣各省主簿一人甲戌以柱國趙王招為雍州牧夏四月甲午柱國燕公于實有罪免丁酉初令上書者並為表於皇太子以下稱啓秋七月己未禁五行大布錢不得出入關布泉錢聽入而不聽出甲戌陳人來聘景子召大將軍以上於大德殿帝親諭以伐齊之旨言往以政出權宰無所措懷自親覽萬機便圖東討惡衣菲食繕甲練兵數年以來戰備稍足而偽主昏虐恣行無道伐吳除亂斯實其時羣臣咸稱善丁丑下詔恭齊以過惡以柱國陳王純為前一軍總管滎陽公司馬消難為前一軍總管鄭公達奚震為前三軍總管越王盛為後一軍總管周昌公侯莫



陳瓊爲後二軍摠管趙王招爲後三軍摠管齊王憲帥衆二萬趣黎陽隋公揚堅廣寧公侯莫陳迴舟帥三萬自渭入河柱國梁公侯莫陳芮帥衆一萬守太行道中國公李穆帥衆三萬守河陽道常山公于翼帥衆二萬出陳汝壬午上親帥六軍衆六萬直指河陰八月癸卯入齊境禁伐樹殘苗稼犯者以軍法從事丁未上親帥諸軍攻拔河陰大城攻子城未剋上有疾九月辛酉夜班師水軍焚舟而退齊王憲于翼李穆等所在剋捷降拔三十餘城皆棄而不守唯以王藥城要害令儀同三司韓正守之正尋以城降齊戊寅至自東伐冬十月戊子初置上柱國上大將軍

官改開府儀同三司爲開府儀同大將軍又置上開府上儀同官閏月以柱國齊王憲蜀公尉遲迴爲上柱國詔諸畿郡各舉賢良十一月己亥改置司內官貞十二月辛亥朔日有蝕之景子陳人來聘是歲歧寧二州人飢開倉振恤

五年春正月辛卯行幸河東涑川集關河東諸軍校獵甲午還同州丁酉詔分遣大使周省四方察訟聽謠問人卹隱廢布泉錢戊申初令鑄錢者至絞從者遠配二月辛酉遣皇太子贊巡撫西土仍討吐谷渾三月壬寅車駕至自同州文宣皇太后服再葬戊申祥夏六月戊申朔日有蝕



之辛亥享太廟景祐利州摠管紀王康有罪賜死秋七月  
乙未京師旱八月戊申皇太子入吐谷渾三伏俟城而還  
乙丑陳人來聘九月丁丑大醮於正武殿以祈東伐冬十  
月帝復諭羣臣伐齊以去歲屬有疹疾遂不得剋平逋寇  
于時出軍河外直爲撫背未扼其喉然晉州本高歡所起  
統攝要重今往攻之彼必來援嚴軍以待擊之必剋然後  
乘破竹之勢鼓行而東足以窮其窟穴諸將多不願行帝  
曰機者事之微不可失矣沮軍事者以軍法裁之巴西帝  
摠戎東伐以越王盛爲右一軍摠管杞公亮爲右二軍摠  
管隋公楊堅爲右三軍摠管譙王儉爲左一軍摠管本將

軍竇泰爲左二軍摠管廣化公丘宗爲左三軍摠管齊王  
憲陳王純爲前軍癸亥帝至晉州遣齊王憲帥精騎二萬  
守雀鼠谷陳王純步騎二萬守千里徑鄭公達奚震步騎  
一萬守統軍川大將軍韓明步兵五千守齊子嶺烏氏公  
尹升步騎五千守鼓鍾鎮涼城公辛韶步騎五千守蒲津  
關柱國趙王招步騎一萬自華谷攻汾州諸城柱國宇文  
盛少兵一萬守汾水關遣內史王誼監六軍攻晉州城帝  
屯於汾曲齊王憲攻洪洞永安二城並拔之是夜虹見於  
晉州城上立自向南尾入紫宮帝每日自汾曲赴城下親督  
戰庚午齊行臺老烈侯子欽出降壬申齊晉州刺史崔嵩



夜密使送款上開府王軌應之未明登城遂剋晉州甲戌  
以上開府梁士彥為晉州刺史以鎮之十一月己卯齊主  
自并州帥眾來援帝以其兵新集且避之乃詔諸軍班師  
齊主遂圍晉州齊王憲屯諸軍於凍水為晉州聲援河東  
地震癸巳至自東伐獻俘千太廟景申放齊諸城鎮降人  
還丁酉帝發京師壬寅度河與諸軍合十二月戊申次晉  
州庚戌帝帥諸軍八萬置陣東西二十餘里乘常御馬從  
數人巡陣所至輒呼主帥姓名以慰勉之將士感見知之  
思各思自厲將戰有司請換馬帝曰朕獨乘良馬何所之  
齊主亦於灑北列陣申後齊人填灑南引帝大喜勅諸軍  
擊之齊人便退齊主與其麾下數十騎走還并州齊眾大  
潰軍資甲仗數百里間委棄山積辛亥帝幸晉州仍率諸  
軍追齊主諸將固請還師帝曰縱敵患生卿等若疑朕將  
獨往諸將不敢言甲寅齊主遣其丞相高阿那肱守高壁  
帝麾軍直進那肱望風退散景辰師次介休齊將韓建業  
舉城降以為上柱國封郟國公丁巳大軍次并州齊主留  
其從兄安德王延宗守并州自將輕騎走鄴是日詔齊王  
公以下示以逆順之道於是齊將帥降者相繼戊午高延  
宗僭即偽位改年曰德昌己卯軍次并州帝帥諸軍合戰  
齊人退帝逐北及城東門諸軍遶城置障至夜延宗帥

信州路季刊

北史帝紀十七

十六

四庫



衆排陣而前城中軍却人相蹂踐大為延宗所敗齊人欲  
閉門以闔下積尸靡不得闔帝從數騎崎嶇危險僅得出  
門至明帥諸軍更戰大破之禽延宗并州平壬戌詔曰昔  
天厭水運龍戰於野兩京否隕四紀于茲朕垂拱嚴廊君  
臨宇縣相亦入於海內混楚弓於天下一物失所有若推  
溝方欲德綏未服義征不讓偽主高緯許放命燕齊怠慢與  
刑祿擾天紀加以青惠怒隣言未信忘義朕應天從物伐罪  
弔人一鼓而滅平陽再舉而滅強敵偽署王公相繼道左  
高緯智窮數在逃竄軍聞偽主德王高延宗擾攘之間遂  
竊名號與爲齊昌王莫冬辛丑以顯等收合餘燼背城借一

王威既振魚潰鳥離破竹更耕建瓴非易延宗衆散衿甲  
軍門根本既傾枝葉自凋賈幽去海岱折簡而來冀北河南  
傳檄可定八紘共貫六合同風方當偃伯靈臺休牛桃塞  
無疆之慶非獨在于漢皇約法除其苛政姬王輕典刑彼  
新邦思覃惠澤被之率土新佳臣庶皆從蕩滌可大赦天  
下高緯及王公以下若釋然但順咸許自新諸士入偽朝  
亦從寬宥官榮次序依例無止公齊制爲令即宜削除鄒魯  
播鈔並并騎士一介可稱並宜銓錄景寅出齊宮中金銀  
寶器珠玉麗服及官器二千入班賜將士以柱國趙王招  
陳王純越王盛世王虎梁公



寇紹鄭公達奚震並為上柱國封侯王憲子安城郡公  
為河間王諸有功者封授各有差癸酉帝帥六軍趣鄴  
六年春正月乙亥齊主傳位於其太子恒改年曰承光自  
號太上皇壬辰帝至鄴癸巳帥諸軍圍之齊人拒守諸軍  
奮擊大破之遂平齊主先送其母及妻孥於青州及城陷  
帥數十騎走青州遣大將軍尉勤追之是戰也於陣獲其  
齊昌王賈多婁敬顯帝數之曰汝有死罪三前從并州走  
鄴棄母攜妻妾是不孝外為偽主勦力內實通啓於朕是  
不忠送款之後猶持兩端是不信如此用懷不死何待遂  
斬之是日西方有聲如雷甲子帝入鄴城詔去年大赦班

宣未及之處皆從赦例己亥詔曰晉州大陣至鄴身殞戰  
場者其子即授父本官尉勤禽齊主及其太子恒於青州  
庚子詔曰偽齊之末姦佞擅權濫罰淫刑動挂羅網偽右  
丞相咸陽王故斛律明月偽侍中特進開府故崔季舒等  
七人或功高獲罪或直言見誅朕兵以義動翦除凶暴表  
閭封墓事切下車宜追贈謚并加空措其見在子孫各隨  
蔭叙錄家口田宅沒官者並還之辛丑詔偽齊東山南園  
及三臺並毀撤瓦木諸物凡入用者盡賜百姓山園之田  
各還本主二月景午論定諸軍勳置酒於齊太極殿會軍  
士以上班賜有差丁未齊主至帝降自阼階見以賓主禮



齊任城王浚在冀州擁兵未下遣上柱國齊王憲與柱國隋公楊堅討平之齊范陽王高紹義叛入突厥齊諸行臺州鎮悉降關東平合州五十五郡一百六十二縣三百八十五戶三十萬二千五百二十八口二千萬六千八百八十六乃於河陽及幽青南兗豫徐北朔定州置摠管府相并二摠管各置官及六府官癸丑詔自偽武平三年以來河南諸州人偽齊破掠為奴婢者不問公私並放免之其住在淮南者亦即聽還願住淮北者可隨便安置癘疾孤老不能自存者所在矜恤乙卯車駕發自鄴三月壬午詔山東諸州各舉士夏四月乙巳至自東伐列齊主於前其

王公等並從車輿旌旗及器物以次陳於其後大駕布六軍備凱樂獻俘於太廟京邑觀者皆稱萬歲戊申封齊主為溫國公庚戌大會群臣及諸蕃客於路寢乙卯廢蒲陝涇寧四州摠管己巳享太廟詔分遣使人巡方撫慰觀風省俗五月丁丑以柱國譙王儉為大冢宰庚辰以上柱國杞公亮為大司徒鄭公達奚震為大宗伯梁公侯莫陳芮為大司馬柱國應公獨孤永業為大司寇鄭公韋孝寬為大司空辛巳大醮於正武殿以報功己丑祀方丘詔曰往者冢臣專任制度有違正殿別寢事窮壯麗非直彫墻峻宇深戒前王而締構弘敞有踰清廟不軌不物何以示後



兼東夏初平人未見德率先海內宜自朕始其路寢會義  
崇信含仁雲和思齊諸殿等農隙之時悉可毀撤彫斲之  
物並賜貧人繕造之宜務從卑朴戊戌詔曰京師宮殿已  
從撤毀并鄴二所華侈過度誠復作之非我豈容因而弗  
革諸堂殿壯麗並宜除蕩薨宇雜物分賜窮人三農之隙  
別漸營構止蔽風雨務在卑狹庚子陳人來聘是月青城  
門無故自崩六月辛亥御正武殿錄囚徒甲子東巡丁卯  
詔曰自今不得娶母同姓以爲妻妾秋七月景戌行幸洛  
州已丑詔山東諸州舉有才望者赴行在所共論政事得  
失八月壬寅議權衡度量頒於天下其不依新式者悉追

州事

北史帝紀十

上

二十

停之詔曰以刑止刑以輕代重罪不及嗣皆有定科雜役  
之徒獨異常憲一從罪配百代不免罰既無窮刑何以措  
凡諸雜戶悉放爲百姓配雜之科因之永削甲子鄭州獻  
九尾狐皮肉銷盡骨體猶具帝曰瑞應之來必昭有德若  
使五品時序四海和平家識孝慈乃能致此今無其時恐  
非實錄乃令焚之九月壬申以柱國鄧公竇熾申公李穆  
爲上柱國戊寅初令庶人以上非朝祭之服唯得衣綢綿  
絹絲布圓綾紗絹綃葛布等九種壬辰詔東土諸州儒生  
明一經以上並舉送州郡以禮發遣冬十月戊申行幸鄴  
宮戊午改葬德皇帝於冀州帝服緦哭於太極殿百官素



服哭是月誅溫公高緯十一月壬申封皇子充爲道王充  
爲蔡王癸酉陳將吳明徹侵呂梁徐州摠管梁士彥與戰  
不利退守徐州遣上大將軍郟公王軌討之是月稽胡反  
遣齊王憲討平之詔自永熙三年七月以來十月以前東  
土人被鈔在化內爲奴婢者及平江陵日良人沒爲奴婢  
者並免同人伍詔曰正位於中有聖通典質文相葉損益  
不同五帝則四星之象三王制六宮之數劉曹已降等列  
彌繁選擇徧於生靈命秩方於庶職椒房丹地有衆如雲  
本由嗜欲之情非關風化之義朕運當澆季思復古始弘  
贊後庭事從簡約可置妃二人世婦三人御妻三人自茲

州李刊

北史帝紀十上

二十一

卷一百一十一

以外直悉減省已亥晦日有蝕之初行刑書要制持杖羣  
強盜一疋以上不持杖羣強盜五疋以上監臨主掌自盜  
二十疋以上小盜及詐請官物三十疋以上正長隱五戶  
及十丁以上隱地三頃以上皆至死刑書所不載者自依  
律科十二月北營州刺史高寶寧據州反庚申行幸并州  
宮移并州軍人四萬戶於關中戊辰廢并州宮及六府是  
歲吐谷渾百濟並遣使朝貢

宣政元年春正月癸酉吐谷渾僞趙王他婁屯來降壬午  
行幸鄴宮辛卯幸懷州癸巳幸洛州詔於懷州置宮二月  
辰柱國大冢宰譙王儉薨丁巳車駕至自東巡乙丑以



上柱國越王盛爲大冢宰陳王純爲雍州牧三月戊辰於  
蒲州置宮廢同州及長春二宮壬申突厥遣使朝貢甲戌  
初服常冠以皂紗爲之加簪而不施纓導其制若今之折  
角巾也上大將軍王軌破陳師於呂梁禽其將吳明徽等  
俘斬三萬餘人丁亥詔柱國豆盧寧征江南武陵南平等  
郡所有士庶爲人奴婢者悉依江陵放免壬辰改元夏四  
月壬子初令遭父母喪者聽終制庚申突厥入寇幽州五  
月己丑帝摠戎北伐遣柱國原公姬願東平公宇文神舉  
等五道俱入發關中公私馬驢悉從軍癸巳帝不豫止于  
雲陽宮景申詔停諸軍六月丁酉帝疾甚還京其夜崩於  
州李刊

乘輿時年三十六遺詔曰人肖形天地稟質五常脩短之  
期莫非命也朕君臨宇縣十有九年未能使百姓安樂刑  
措不用未旦求衣分宵忘寢昔魏室將季海內分崩太祖  
扶危翼傾肇開王業燕趙榛蕪又竊名號朕上述先志下  
順人心遂與王公將帥共平東夏雖復袂氛蕩定而人勞  
未康每一念如此若臨冰谷將欲包舉六合混同文軌今  
遘疾大漸力氣稍微有志不申以此歎息天下事重萬機  
不易王公以下爰及庶寮宜輔導太子副朕遺意令上不  
負太祖下無失爲臣朕雖瞑目九泉無所復恨朕平生居  
處每存菲薄非直以訓子孫亦乃本心所好喪事費用須



漢儉而合禮墓而不墳自古通典隨吉即葬葬訖公除四  
方士庶各三日哭妃嬪以下無子者悉放還家謚曰武皇  
帝廟稱高祖已未葬於孝陵帝沉毅有智謀初以晉公護  
專權常自晦迹人莫測其深淺及誅護之後始親萬機刑  
已勵精聽覽不怠用法嚴整多所罪殺號令懇惻唯屬意  
於政羣下畏服莫不肅然性既明察少於恩惠凡布懷立  
行皆欲踰越古人身衣布袍寢布被無金寶之飾諸宮殿  
華綺者皆撤毀之改為土階數尺不施壺棋其彫文刻鏤  
錦繡纂組一皆禁斷後宮嬪御不過十餘人勞謙接下自  
強不息以海內未康銳情教習至於校兵閱武步行山谷  
復涉勤苦皆人所不堪平齊之役見軍士有跣行者帝親  
脫靴以賜之每宴會將士必自執盃勸酒或手付賜物至  
於征伐之處躬在行陣性又果決能斷大事故能得士卒  
死力以弱制強破齊之後遂欲窮兵極武平突厥定江南  
一二年間必使天下一統此其志也

卷之十一 北史高祖紀一上

宣皇帝諱贇字乾伯武帝長子也母曰李太后武成元年  
生於同州保定元年五月景午封魯國公建德元年四月  
癸巳武帝親告廟冠於阼階突為皇太子二年詔皇太子  
巡撫西土之宣后崩武帝諒闇詔太子撫和政五旬而罷  
武帝每巡幸四方太子常留監國五年二月又詔太子巡



西土因討吐谷渾宣政元年六月丁酉武帝崩戊戌太子  
即皇帝位尊皇太后曰皇太后甲子誅上柱國齊王憲閏月  
乙亥詔山東流人新復業及突厥侵掠家口破亡不能存  
濟者給復一年立妃楊氏為皇后辛巳以上柱國趙王招  
為太師陳王純為太傅柱國代王達滕王迥盧公尉遲運  
薛公長孫覽並為上柱國是月幽州盧昌期據范陽反詔  
柱國東平公宇文神舉討平之秋七月乙巳享太廟景平  
祀圓丘戊申祀方澤庚戌以小宗伯岐公斛斯微為大宗  
伯壬戌以南充州總管隋公楊堅為上柱國大司馬癸亥  
尊新生李氏為帝太后八月景寅夕月於西郊長安萬年

二縣人居京城者給復三年壬申幸同州遣大使巡察諸  
州制九條宣下州郡其母族絕服外者聽婚以上柱國薛  
公長孫覽為大司徒柱國楊公王誼為大司空景戌以柱  
國永昌公椿為大司寇九月丁酉以柱國宇文盛張掖公  
王傑枹罕公辛威鄭國公暉孝實並為上柱國庚戌封皇  
弟元為荆王詔諸應拜者皆以二拜成禮冬十月癸酉至  
自同州戊子百濟遣使朝貢十一月己亥講武於道會苑  
帝親擐甲是月突厥犯邊圍酒泉殺掠吏士十二月甲子  
以柱國畢王賢為大司空己丑以上柱國河陽總管滕王  
暉為行軍元帥伐陳免京師見徒並令從軍



大象元年春正月己丑受朝於路門帝服通天冠絳紗袍  
羣臣皆服漢魏衣冠大赦改元爲大成初置四輔官以大  
冢宰越王盛爲大前疑蜀公尉遲迥爲大右弼申公李穆  
爲大左輔大司馬隋公楊堅爲大後丞癸卯封皇子衍爲  
魯王甲辰東巡景午以柱國常山公于翼爲大司徒辛亥  
以柱國許公宇文善爲大宗伯戊午行幸洛陽立魯王衍  
爲皇太子二月癸亥詔曰河洛之地舊稱朝市自魏氏失  
馭滅關爲墟我太祖受命鄴鎬有懷光宅高祖徃巡東夏  
布政此宮朕以眇身祗承寶運雖庶幾耄脩之志敢忘燕  
翼之心一昨駐蹕金墉備嘗遊覽百王制度基址尚存今

若因循爲功易立宜命邦事脩復舊都奢儉取文質之間  
功役依子來之義北瞻河漢及又非遙前詔經營公宜停罷  
於是發山東諸州兵增一月功爲四十五日役起洛陽宮  
常役四萬人以迄晏駕并移相州六府於洛陽稱東京六  
府殺柱國徐州撫管郟公王軌停南討諸軍以趙王招女  
爲千金公主嫁於突厥乙亥行幸鄴景子初令摠管刺史  
行兵者加持節餘悉罷之辛巳詔傳位於皇太子衍大赦  
改元大成爲大象帝於是自稱天元皇帝所居稱天臺殿  
二十有四旒車服旗鼓皆以二十四爲節內史御正皆置  
一大夫皇帝衍稱正陽宮置納言御正諸衛皆置天



尊皇太后為天元皇太后癸未日出將入時其中並有  
烏色大如鷄卵經四日乃滅戊子以大前疑越王盛為大  
傅大右弼蜀公尉迴為大前疑代王達為大右弼辛卯詔  
徙鄴城石經於洛陽又詔洛陽凡是元遷戶並聽還洛州  
此外欲往者聽之河陽幽相豫毫青徐七摠管受東京六  
府處分三月庚申車駕至自東巡大陳軍伍親擐甲胄入  
自青門皇帝行備法駕從百官迎於青門外是時驟雨儀  
衛失容辛酉封趙王招第二子貫為永康縣王夏四月壬  
戌朔有司奏言日蝕不視事過時不蝕乃臨軒立妃朱氏  
為天元帝后癸亥以柱國畢王賢為上柱國己巳享太廟

州志

大正皇帝紀一上

二十六

卷六

壬午大醮於正武殿五月辛亥以洛州襄國郡為趙國齊  
州濟南郡為陳國豐州武當安富二郡為越國潞州上黨  
郡為代國荊州新野郡為滕國邑各一萬戶令趙王招陳  
王純越王盛代王達滕王道並之國是月遣使簡視京城  
及諸州士庶女充選後宮突厥寇并州六月咸陽有池水  
變為血徵山東諸州人修長城秋七月庚寅以大司空畢  
王賢為雍州牧大後承隋公楊堅為大前疑柱國榮陽公  
司馬消難為大後承景申納大後承司馬消難女為正陽  
宮皇后己酉尊帝太后李氏為天皇太后壬子改天元帝  
后朱氏為天皇后立妃元氏為天右皇后妃陳氏為天左



皇后八月庚申幸同州壬申遷宮甲戌以天左皇叔父  
將軍陳山提天右皇后父開府元晟並為上柱國初武帝  
作刑書要制用法嚴重及帝即位恐物情未附除之三年  
為刑經聖制其法深刻大醜於正武殺告天而行焉壬午  
以上柱國雍州牧畢王賢為太師上柱國郇公韓建為  
大左輔是月所在蝗羣鬪各四五尺死者十八九九月己  
卯以鄴王貞為大冢宰上柱國鄭公韋孝寬為行軍元帥  
率行軍總管杞公亮郟公梁士彥伐陳遣御正杜果使於  
陳冬十月壬戌幸道會苑大醜以高祖武皇帝配醜初復  
佛象及天尊象帝與二象俱南坐大陳雜戲令京城士庶

縱觀是月相州人段德舉謀反伏誅十一月乙未夜行幸  
同州壬寅還宮乙巳初鑄永通萬國錢以一當千與五行  
大布並行是月韋孝寬拔壽陽杞國公亮拔黃城梁士彥  
拔廣陵陳人退走於是江北盡平十二月戊午以災異屢  
見帝御路寢見百官詔曰朕以寡德君臨區寓始於秋季  
及此玄冬幽憂殷勤屢貽深戒至有金入南斗木犯軒轅  
災或干房又與土合流星照夜東南而下然則南斗主於  
爵祿軒轅為於後宮房曰明堂布政所也火土則憂孽之  
兆流星乃兵凶之驗豈其宮人失序女謁尚行政事垂方  
憂患將至何其昭著若斯之甚將避正寢齋居克念惡衣



減膳去飾徹懸披不諱之誠開直言之路欲使刑不濫及賞弗踰等選舉以才宮闈修德宜宣諸內外庶盡弼諧允叶人心用消天譴於是舍仗衛往天興宮百官上表勸後寢膳許之甲子還宮御正武殿集百官及宮人內外命婦大列妓樂又縱胡人乞寒用水澆沃以爲戲樂乙丑行幸洛陽帝親御驛馬日行二百里四皇后及文武侍衛數百人並乘駟以從令四后方駕齊驅或有先後便加譴責馬頓仆相屬於道己卯還宮

二年春正月丁亥帝受朝于道會苑癸巳身太廟乙巳造二宸畫日月象以置左右戊申雨雪雪止又雨細黃土移

時乃息乙卯詔江右諸州新附人給復二十年初稅入市者人一錢二月丁巳帝幸路門學行釋奠禮戊午突厥遣使獻方物且逆千金公主乙丑改制詔爲天制敕爲天教尊天元皇太后爲天元上皇太后天皇太后李氏曰天元聖皇太后癸未立天元皇后楊氏爲天元大皇后元皇后后朱氏爲天大皇后天右皇后元氏爲天右大皇后天左皇后陳氏爲天左大皇后正陽宮皇后直稱皇后是月洛陽有禿鷲鳥集新太極殿前滎州有黑龍見與赤龍鬪於汴水側黑龍死三月丁亥賜百官及百姓大酺詔進封孔子爲鄒國公邑數準舊并立後承襲別於京師置廟以時祭



漢天子行軍撫管祀必亮舉兵反行軍元帥章孝寬獲而  
縶之辛卯行幸同州增候正前驅式道為三百六十重自  
應門至赤岸澤數十里間幡旗相蔽鼓樂俱作又令武賁  
持鈇馬上稱警蹕以至同州乙未改同州宮為天成宮庚  
子車駕至自同州詔天臺侍衛皆着五色及紅紫綠衣以  
雜色緣名曰品色衣有大事與公服閒服之壬寅詔內外  
命婦皆執笏其拜宗廟及天臺皆俛伏甲辰初置天中大  
皇后立天左大皇后陳氏為天中大皇后立妃尉遲氏為  
天左大皇后夏四月己巳享太廟己卯以旱故降見囚死  
罪已下壬午幸中山祈雨至咸陽宮雨降甲申還宮令京

城士女於衢巷作音樂以迎候五月甲午帝備法駕幸夫  
興宮乙未帝不念還宮詔楊州總管隋公楊堅入侍疾丁  
未追趙越陳代滕五王入朝己酉大漸御正下大夫劉昉  
與內史上大夫鄭譯矯制以隋公楊堅受遺輔政是日帝  
崩於天德殿時年二十一謚宣皇帝七月景申葬定陵帝  
之在東宮也武帝慮其不堪承嗣遇之甚嚴朝見進止與  
諸臣無異雖隆寒盛暑亦不得休息性嗜酒武帝遂禁醪  
醴不許至東宮帝每有過輒加捶扑嘗謂之曰古來太子  
被廢者幾人餘兒豈不堪立邪於是遣東宮官屬錄帝言  
語動作每月奏聞帝懼盛敬矯情脩飾以是惡不外聞嗣



位之初方選其欲大行在殯曾無戚容即通亂先帝宮人  
纔踰年便恣聲樂采擇天下子女以充後宮好自矜夸飾  
非拒諫禪位之後彌復憍奢耽酣於後宮或旬日不出公  
卿近臣請事者皆附闥官奏之所居宮殿帷帳皆飾以金  
玉珠寶光華炫燿極麗窮奢及營洛陽宮雖未成畢其規  
摹壯麗踰於漢魏遠矣唯自尊崇無所顧憚國典朝儀率  
情變改後宮位號莫能詳錄每對臣下自稱為天以五色  
土塗所御天德殿各隨方色又於後宮與皇后等列坐用  
宗廟禮器鐫彝璫瓊之屬以次食焉又令羣臣朝天臺者  
致齋三日清身一日車旗章服倍於前王之數既自比上

州志

七二上

三十一

帝不欲令人同己常自帶綬及冠通天冠如金附蟬顧見  
侍臣武弁上有金蟬及玉公綬者並令去之又不得入  
有高者大者之稱諸姓高者改為姜九族稱高祖者為長  
祖曾為次長祖官稱名位凡謂上及大者改為長有天者  
亦改之又令天下車皆渾成為輪禁天下婦人比不得施  
粉黛唯宮人得乘有輜車加粉黛焉西陽公溫把公亮之  
子即帝從祖兄其妻尉遲氏有容色因入朝帝遂飲以酒  
適而媼之亮聞之懼謀反纔誅溫即追尉遲氏入宮初為  
嬪立為皇后每左右侍臣論議唯欲興造革易未嘗言  
政事其後遊戲無恒出入不節羽儀仗衛晨出夜還或



幸天興宮或遊道會苑陪侍之官皆不堪命散樂雜戲  
龍爛漫之伎常在目前好令京城少年為婦人服飾入殿  
歌舞與後宮觀之以為喜樂擯斥近臣多所猜怨又吝於  
財略無賜與恐羣臣規諫不得行己之志常遣左右密伺  
察之動止所為莫不抄錄小有乖違輒加其罪自公卿以  
下皆被楚撻其間誅戮黜免者不可勝言每捶人皆以百  
二十為度名曰天杖官人內職亦如之后妃嬪御雖被寵  
嬖亦多被杖背於是內外恐懼人不自安皆求苟免莫有  
固志重足累息以逮於終矣

信州路平州  
北史帝紀十一上  
廿一

二年六月生平東宮大象元年正月癸卯封魯王戊午立  
為皇太子二月辛巳宣帝於鄴宮傳位授帝居正陽宮  
二年五月乙未宣帝寢疾詔帝入宿路門學己酉宣帝崩  
帝入居天臺殿正陽宮大赦停洛陽宮作庚戌上天元上  
皇太后尊號為太皇太后天元聖皇太后李氏為大帝太  
后天元太皇后為皇太后天太皇后朱氏為帝太后其天  
中大皇后陳氏天右大皇后元氏天左大皇后尉遲氏並  
出俗為尼以柱國漢王贊為上柱國右大丞相上柱國楊  
州總管隋公楊堅為假黃鉞左大丞相柱國秦王贊為上  
柱國帝居諒闇百官摠已以聽於左大丞相壬子以上柱



國鄭公阜孝寬為相州總管罷入市稅錢六月戊午以柱  
國許公宇文善神武公賈毅備武公侯莫陳瓊天安公闞  
慶並為上柱國趙王招陳王純越王盛代王達滕王道來  
朝庚申復佛道二教辛酉以柱國紀公賈焜公于寔郃公  
賀拔伏恩並為上柱國甲子相州總管尉遲迥舉兵不受  
代詔發關中兵即以韋孝實為行軍元帥討之柱國畢王  
賢以謀執政被誅以上柱國秦王執異為大冢宰杞公椿為  
大司徒己巳詔南定北光衡巴四州公為宇文亮抑為奴  
婢者並免之甲戌有亦氣起西方漸東行徧天庚辰罷諸  
魚池及山澤公禁者與百姓共之以柱國蔣公梁寶為益

信州路季升

北史高紀一上

廿二

倪季川

州總管秋七月甲申突厥送齊范陽王高紹義庚寅申州  
刺史李惠起兵庚子詔趙陳越代滕五王入朝不趨劍履  
上殿榮州刺史邵公宇文胄舉兵遣大將軍楊素討之青  
州總管尉遲綱舉兵丁未隋公楊堅都督內外諸軍事已  
酉鄭州總管司馬消難舉兵以柱國楊公王誼為行軍元  
帥討之壬子趙王招越王盛以謀執政被誅癸丑封皇弟  
衍為萊王術為郢王是月豫州襄州總管諸蠻各帥種落  
反八月庚申益州總管王謙舉兵不受代即以梁睿為行  
軍元帥討之庚午韋孝實破尉迥於鄴迥自殺相州平移  
相州於安陽其鄴城及邑毀廢之景子以漢王贊為太師



以上柱國并州摠管申公李穆為太傅以宋王實為大前  
疑以秦王贄為大右弼以燕公子實為大左輔己卯以尉  
迴平大赦庚辰司馬消難擁眾以魯山甄山二鎮奔陳遣  
大將軍元景山追擊之鄭州平沙州氏帥開府楊永安聚眾  
反應王謙遣大將軍達奚儒討之楊素破宇文胄於滎陽  
斬之以上柱國神武公竇毅為大司馬以齊公子智為大  
司空發相青荆金晉梁州六摠管九月景成廢河陽摠管  
為鎮隸洛州以小宗伯竟陵公楊慧為大宗伯壬辰廢皇  
后司馬氏為庶人戊戌以柱國楊公王誼為上柱國庚戌  
以柱國常山公子翼化政公宇文忻並為上柱國壬子丞  
相去左右號隋公楊堅為大丞相冬十月甲寅日有蝕之  
壬戌陳王純以怨執政被誅大丞相隋公楊堅加大冢宰  
五府摠於天官戊寅梁睿破王謙斬之傳首京師益州平  
十一月甲辰達奚儒破楊永安沙州平丁未上柱國鄭公  
韋孝實薨十二月壬子以柱國蔣公梁睿為上柱國丁巳  
以柱國邗公楊雄普安公賀蘭慕邠公梁士彥上大將軍  
新寧公叱列長文武鄉公崔弘度大將軍中山公宇文恩  
濮陽公宇文述渭原公和干子任城公王景漁陽公楊欽  
上開府廣宗公李崇隴西公李詢並為上柱國庚申以柱  
國楚公豆盧勳為上柱國癸亥詔曰太祖受命龍德猶潛



三分天下志扶魏室多所改作其元上之文武官賜姓者衆本殊國邑實無胙土不歆非類異骨肉而共蒸嘗不愛其親嗟行路而叙昭穆且神徵革姓本為曆數有歸天命在人推讓終而弗獲故君臨區宇累世於茲可不仍遵謙挹之旨久行權宜之制諸改姓者悉宜復舊甲子大丞相隋公楊堅進爵為王以郡為隋國己巳以柱國沛公鄭譯為柱國辛未代王達滕王道並以謀執政被誅壬申以大將軍長寧公楊勇為上柱國大司馬以小冢宰始平公元孝矩為大司寇

大定元年春正月壬午改元景成詔戎秩上開府以上職

信州路李刊

北史卷一百一十一

光四

余

事下大夫以上外官刺史以上各舉賢良二月甲子帝遜位于隋居于別宮隋氏奉帝為介國公邑萬戶車服禮樂一如周制上書不稱表答表不稱詔有其文事竟不行隋開皇元年五月壬申帝崩時年九歲隋志也謚曰靜皇帝葬恭陵

論曰自東西否隔二國爭強戎馬生郊干戈日用兵連禍結力敵勢均壇場之事一彼一比武皇績業未親萬機慮遠謀深以蒙養正及英威電發朝政惟新內難既除外略方始乃苦心焦思克已勵精勞役為士卒之先居處同足夫之儉修富國之政務強兵之術兼備人之有譽順天道



而推亡數年之間大勳斯集摠祖宗之宿憤拯東夏之陪  
危盛矣哉有成功者也若使翌日之瘳無爽經營之志獲  
申黷武窮兵雖見譏於良史雄圖遠略足方駕於前王而  
識嗣子之非才顧宗祏之至重滯愛同於晉武則哲異於  
宋宣但欲威之覆楚期於懲肅義方之教豈若是乎卒使  
昏虐君臨女妲回肆毒迹宣后之行事身歿已為幸矣靜帝  
越自幼冲紹茲衰統內拔有劉之詐威藩無齊代之強隋  
氏因之遂遷龜鼎雖復岷峨投袂翻成凌奪之威漳滏勤  
王無救宗周之殞嗚呼以文皇之經啓鴻基武皇之克隆  
景業未踰二紀不祀忽諸斯蓋先帝之餘殃非孺子之罪  
戾也

信州路亭刊

北史卷十

北五

余已上諸葛

周本紀下第十

北史十

方洽周益

校正







